

nibus novis, etiam easus, de quibus ita ante jus erat, comprehendendi solent, minimè verò in patre jus novum ibi constitui, quasi ipsius heres SULLS ad posteros solos descendentes transmittere posset, ita enim fieret correctio Juris Veteris, quae non solet praesumi nec concedi, nisi aperte ea appareat, L. precipimus C. de appell. Objicit quidem & hoc Vasquius, quod scilicet multis modis possit tolli SVITAS, quos ibi recenset, atque ita heredem non posse transmittere hereditatem paternam jure SVITATIS, ideoque opus esse, ut dicamus, ipsum jure sanguinis Transmittere posse. Verum reponi potest, primum ab ipso praesupponi verum, quod adhuc est in controversia. Illis enim modis allegatis finiri SVITATEM dubito imò nego. Deinde posito sed non concessio, nihil tamen exinde concludi posse videtur. Nam heres SVITATE destitutus non amplius est heres SVVS, ideoque quando transmittit, non transmittit ut SVVS, sed ut heres sanguinis. Nostra autem questio concepta est de herede, qui non modò fuit SVVS sed & adhuc est.

30. Ex his jam dictis simul adparet, subjectum Transmissionis, quae fit jure sanguinis, passivum esse solos posteros descendentes, non verò extraneos in specie ita dictos. Nam licet isti descendentes posteri habitati ad heredes SVOS videantur esse extranei §. 3. I. de hered. qualit. & diff. attamen quoad Transmissionem hanc habentur pro SVIS & opponuntur Extraneis. Non sunt revera SVI heredes, sed secundum quid, & quoad effectum transmittendi jus SVORVM acceperunt, d. l. un. C. de his qui ante apert. Tab. Ex ratione ergo sanguinis non potest transmitti ad agnatos cognatos, vel consanguineos collaterales, imò nec ad ascendentes, quia Transmissio hac seu jus in d. l. constitutum non est mutuum, ut ita loquar, ita scilicet ut hereditas etiam in parentes transmittatur. Etenim ejusmodi Constitutiones novae ad casus praesertim diversos porrigi nec debent, nec possunt. Ut in verba paucissima conferam ad Transmissionem, quae fit virtute sanguinis, requiritur, ut successio primordialis fiat ascendenti, & transmittens cum Transmissario sit ex descendens.

31. Subjectum denique Transmissionis, quae fit beneficio Juris deliberandi, & activum & passivum, sunt quicumque heredes, tam SVI, quam extranei, L. 19. C. de jur. delib. modò noverint hereditatem sibi esse delatam, & Transmittentes intra annum deliberandi mortui fuerint. Vide omnino Magn. & Ampl. Dn. D. Val. Riem. P. P. eminentiss. Patronem, Promot. & Praeceptorum meum omnimodo honoris cultu devenerandum, Illust. qq. decad. 6. q. 9.